

Broj: 01/1-02-2584/23
Sarajevo, 25.10.2023.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priloga	Vrijednost
25-10-2023	
Org. jed.	

60x

**PREDSTAVNIČKOM DOMU
PARLAMENTA FEDERACIJE BIH**

Ustavna komisija Predstavničkog doma Parlamenta Federacije BiH je 25.10.2023. godine održalo sjednicu na kojoj je razmatran sljedeći

DNEVNI RED

1. Davanje mišljenja o statusu predsjedavajuće i predsjedavanju sjednicom nakon davanja ostavke/zahtjeva za razrješenje predsjedavajuće Predstavničkog doma

U skladu sa čl. 44. i 57. Poslovnika Predstavničkog doma Parlamenta Federacije BiH, Ustavna komisija Domu podnosi sljedeći:

IZVJEŠTAJ

Ad 1. Davanje mišljenja o statusu predsjedavajuće i predsjedavanju sjednicom nakon davanja ostavke/zahtjeva za razrješenje predsjedavajuće Predstavničkog doma

Predsjedavajuća Predstavničkog doma Parlamenta Federacije BiH gospođa Mirjana Marinković – Lepić podnijela je ostavku dana 25.09.2023. godine. Nakon podnošenja ostavke dana 26.09.2023. godine dostavila je novi dopis odnosno zahtjev u kojem traži da se u skladu sa čl. 62. i 131. Poslovnika Predstavničkog doma Parlamenta Federacije BiH provede procedura njenog razrješenja.

U skladu sa članom 62. stavom 1. Poslovnika Komisija za izbor i imenovanje prati provođenje ustavnih načela i zakonskih odredaba koje se odnose na ostvarivanje politike u ovoj oblasti, pretresa sva pitanja u vezi sa izborom, imenovanjem, postavljenjem i razrješenjem, kao i druga pitanja u vezi s tim iz nadležnosti Predstavničkog doma, a član 131. Poslovnika propisuje da odredbe ovoga Poslovnika

što se odnose na postupak za izbor, imenovanje odnosno potvrđivanje imenovanja shodno se primjenjuju i na postupak za razrješenje što znači da gospođa Marinković – Lepić i dalje obnaša funkciju predsjedavajuće ovog Doma i sve dok je ovaj Dom ne razriješi u skladu sa Poslovníkom, o postupku za izbor, imenovanje i razrješenje. Ovaj Dom većinom glasova u postupku predviđenom u skladu sa Poslovníkom većinom glasova izglasao je Mirjanu Marinković – Lepić i sukladno istim odredbama je treba i razriješiti.

Mišljenje Ustavnog suda Federacije BiH broj: U-3/20 objavljeno u „Službenim novinama Federacije BiH“ broj: 15/20 propisuje da se Mišljenje suda odnosi samo na konkretnu Odluku o izboru predsjedavajuće Skupštine Kantona Sarajevo. Član 13. Zakona o postupku pred Ustavnim sudom Federacije BiH također navodi da Ustavni sud Federacije BiH odlučuje u granicama zahtjeva koji su istaknuti u postupku.

Predsjedavajuća ovog Doma izabrana je na Konstituirajućoj sjednici Predstavničkog doma dana 1.12.2022.godine Odlukom o izboru predsjedavajuće Predstavničkog doma Parlamenta Federacije BiH, koja je objavljena u „Službenim novinama Federacije BiH“ broj: 98/22 i stupila na snagu danom donošenja.

Također, u skladu sa članom 23. Poslovnika poslanik ima pravo podnijeti ostavku na poslaničku dužnost što nije sporno, ali navedeni član ne odnosi se na podnošenje ostavke predsjedavajuće Doma.

Nakon analize svih relevantnih materijala i odredbi Poslovnika Predstavničkog doma Parlamenta Federacije BiH u raspravi iznesenoj o ovoj tački dnevnog reda, članovi Ustavne komisije su **sa 6 glasova za, 1 glasom protiv i 1 suzdržanim glasom donijeli sljedeće**

MIŠLJENJE

Ustavna komisija Predstavničkog doma Parlamenta Federacije BiH smatra da bez obzira na činjenicu što je predsjedavajuća Doma podnijela ostavku odnosno uputila zahtjev za razrješenje, ista još uvijek obnaša funkciju predsjedavajuće sve dok se u skladu sa čl. 62. stav 1. i 131. Poslovnika ne provede procedura njenog razrješenja.

U skladu sa članom 53. Poslovnika, za izvjestitelja je određen dr. Mladen Bošković, predsjednik Ustavne komisije.

